

آبونه شرائطی

داخلی ، خارجی هریر ایچون
سنه لکی (۲۵۰) ، آلتی آیلنی
(۱۳۰) غروشدور.

[نسخه سی ۵ غروش ،
سنه لکی ۵۲ نسخه در ،]


اداره خانه

باب عالی جاده سنده دائره مخصوصه

اخطارات

آبونه بدلی پشیندر

مسئله موافق آثار مع الممنونیه
قبول اولنور . درج ابدله
یا زیلر اعاده اولونماز .



اخطارات

آدرس تبدیلنده آریجه بش
غروش کوندرا لیدر .

مکوبلرک امضالری واضح
واوقوناقلی اولسی و آبونه صره
نومروسی محتوی بولنمسی لازمدر .

ممالک اجنبیه ایچون آبونه
اولانلرینک آدرس لری نک فرانسه
جده یازلمسی رجا اولنور

پاره کوندرا لیدیکی زمان نه یه دائر
اولدیغنک واضحا بیلا یرلمسی رجا
اولنور .

دینی ، فلسفی ، علمی ، ادبی هفته لق مجموعه اسلامیه در

اتبعون اهدکم سبیل الرشاد

صاحب و مدیر مسئول
اشرف ادیب

باش محرر
محمد طاکف

والله یهدی من یشاء الی صراط مستقیم

جهاد و عالم اسلام

حرب عمومی در ترکستان و بخارا و افغانستان ، هندستان و حجاز طریقہ استانبولہ سیاحت .

— ۷ —

— ۱۹۱۵ سنہ سیاح و کلرندہ بن افغانستانی ترک ایستد . هندستان طریقہ حجازہ عزیمت مقصدیہ هندستان حدودندن اول پشاورہ کلام . پشاورہ حین وصولزده بتون شهر خاکی بزی بیوک برمنونیت ایله استقبال ایستدیلر ، بز شهر خارجده بوقدر بیوک بر جمع عظیمی کوردیکمز زمان حیرتلیر ایچنده قالدق . بدایہ بورایہ نه ایچون طویلانمش اولدق لرینی آکلایه مادی . بز او جمع عظیمه تقریب ایستدیکه آتلدندہ بعضلرینک بزہ دوعری حرکت ایتمکده اولدق لرینی کورونجه حیرتمز دها زیاده آرتدی . نهایت قارشی قارشی به کلنجه زه خوش کلدیکمز حاجی بابار ! ، صداری قولاغمز کلایه باشلادی . بونک اوزرینه اندیشلرمن مسرتہ منقلب اولدی . بر سلی نیتہ معروض قالدایغمز تحقق ایستدی . کندی کنديمز دیدک : « بونلر نه قدر مسلمان آدمکره حاجی بودرجه بیوک مسرتلر ایله استقبال ایستیورلر . » «السلام علیکم ، وعلیکم السلام ، مرحباً ، خوش آمدی» دیه مصافحه لره باشلاندی . بعضلری معانقه ایستیورلردی . صانکه آرا مزده بیک بیلق احبابلق وقارداشلق واردی .

مصافحه دن صوکره اوتورمه من تکلیف اولندی . هپ بردن اوتورولدی . بز حاجیلر هپ تورکستانلی اون آتی کشی ایدک . هرکس کمال سکوتله اوتوردق دن صوکره ، ابتدا هندیلردن بر آدم آیاغه قالقهرق ، بزہ بیان خوش آمدیدن صوکره دیدی که : « عزیز مسافرلر سز پشاورده بولندجه اقامتکاملریکز تعیین اولمشدر . سز بدایت اسلامدن بری بزم قردشمز اولدیفکمز که بوکوندن اعتبارآده بزهمانز سکمز . پشاوردن مفارقتکزه قدر ، بتون مصارفکمز بزهمانزده طأندر . شیمیدین پشاور مسلمانلرینک سزدن بر رجالی وار : بخارادن حین مفارقتکزدن بورایه قدر محاربه خصوصنده جهاده عائد خلیفه اسلام و مجاهدین حقنده نه کبی معلومات آله بیلدیکمز ؟ جهاد حقنده امیر صاحبین نه کبی اوامر صادر اولمشدر ؟ امیر صاحب عسکری جهاده اشتراک ایدہ چکمی ؟ بوجاعتک هپسی پشاورک هر محله سندن طویلانمش مسلمان قردشکرزدر ، بو خصوصه دائر معلومات ویرمکزی سزدن استرحام ایستیورلر . هرکس حقیقی خبره مشتاقدر ؟ سزی کمال مسرت و صبرسزلقله استقبالدن مقصد مزده بودر .

غایت یورغون بولبورددق ، مع مافیہ برقاج سوز سویله مزسه ک بوقدر اهل ایمانک پک مأیوس اوله جفی تخمین اولندی . رفقا سزدن سنآک بیوکمز اولان « توره جان ، آغا آیاغه قالقهرق : — السلام علیکم ای دین قردشلیمز .

هپ بردن : — وعلیکم السلام .

— لئزدین قردشلمزی کورمکله بزده صوکره درجه نمون اولدق . بزہ بوسورتله اولان التفاتکزه بتون صمیمیتمز ایله عرض تشکر ایدرز . بز ترکستاندن مفارقتمز پک جوق اولدی . بر خبر آتی ممکن دکل ایدی . فقط افغانستانده بزمشاهداتمز پک ایستد : عموم افغان خاکی جهاده مهیا ، قادیلره وارنجه به قدر سلاح بدست خلیفه معظم طرقدن کله چک امره منتظر بولنیورلر . اساس مسئله بوقدردر ، فقرات حقنده پشاورده قالدایغمز مدتجه ، صرهمی کلدیکمه معروضاتده بولورز .

عموم بردن « الله ی نصر السلطان ، دیهرک اوچ دفعه باغیردیلر ، هپ برابر شه کلدک ، بزلی مسافر خانلره یرلشدیردیلر .

اوکون بنی آقشام ممکنه پشاور اغنیاسندن کریم بخش صاحب خانہ سنه دعوت ایستدی ، کریم بخش بتون هندستانک الک بیوک اغنیاسندندر . غایت مسلمان آدمکره . بزہ جوق بیوک اکراملرده بولندی . بو آدمک هندستانک بیوک شهرلرندہ هر یرده تجارت خانلری اولدینی کی جزائر بحر محیط هندی ، آفریقا ، چین ، ژاپون مملکتلرندہ دخی بیوک تجارت شعبه لری وار . آقشام بمکده علمادن بر ذات ایله اعیان مملکت دن اوچ کشی بولنیوردی . بمکدن صوکره آقشام نمازی جماعتله ادا ایستدکن صوکره ، خلیفه معظم حضرتلرینه وعسا کر اسلامه نصرتله ذغالر اولندی . صوکرده آقشام صحبتی باشلادی . اوکون تلغرافلرده خلیفه عسکرینک سویش قتالی کچدیکی حوادثی ، هندستان حکومتی طرقدن تکذیب اولمشدی . امین بخش صاحب ، هندستان حکومتک تکذیبی تکذیب ایستیور : « هیچ شبهه یوق بو محققدر ، یونی کتم ایتمک نیتله هندستان حکومتی تکذیب ایستیور ، بوانشاء الله امر واقمدر . برایکی کونه قدر انشاء الله خلیفه عسکرینک القاهره به دخولی خبرنی آلورز . » (هرکس بردن انشاء الله انشاء الله .)

صوکره بزدن افغانستان حقنده معلومات صوردیلر : افغان امیری جهاده اشتراک ایدرمی عجا ؟ دیهرک صبرسزلقله افغان امیرینک هندستانه هجومنه انتظار ایستیورلری . بنده افغانستانده کی مشاهداتی سویله دم . بیچاره مسلمانلر افغانستان همان جهاده اشتراک ایتمش کی نمون اولورلردی . خلاصه اوکونی آقشامی بز امین بخش جنابلرینک خانہ سنده کچیردک . بتون آقشام صحبتی شو جهاد اوزرنده کچدی . بن احوال روحیه بی مشاهدہ ایستدکن صوکره بتون هندستانک بیوک شهرلرینی کزیمک ایچون قلبدن قرار قطعی ویردم ، پشاورده بش کون قالدق دن صوکره ، دکل یالکمز اسلاملرک ، هندولرکده عینی حسده اولدیفنه قناعت حاصل ایستد . عموم هندستان خاکی بلاتفریق مذاهب خلیفه و جرمن عسکری بوکره انکلیزلره قطعی ضربہ بی ایستدیرہ چک ، شوفرستدن بالاستفاده بتون عالم بشریت انکلیز مظالمندن قورتوله جق

واوجهل دن هندستان ده استقلالیت احرار ایدم جک قناعی هر کسه کلهدی .

بن هندستان داخلنده بدایتده بنجایده : دهلی ، سهارنپور ، لکنو ، لاهور کی مرکز لری دولاشمق نیتله پاساپورتی قید ایتدیرمک اوزره بولیسه مراجعت ایتدم . قومیسر بالذات بنی یانه چاغیردی . دیدی که :

— بیلیمور میسکیز که شیمدی حرب زمانیدر ، راجپی هیچ برزمان بوصورتله هندستان داخلنده دولاشماز . سزک مقصدکیز حجه کیمک ایسه بورادن دوغری هیچ بریده ایممک شرطیله یالکیز بومبایه کیده بیلیرسکیز .

— بن دشمن تبعه سی دکم . سزک متفقکیز اولان روس تبعه سی . بنم مقصدم یالکیز هندستان شهرلرینی کز مکدر .

— محاربه دن صوکره کلور کوریرسکیز ، بزه امر بویله در . بن سزه قطعی اوله رق دیورم . سزپشاوردن هیچ بریره چیقه مزسکیز . یالکیز طوغری بومبای و جده ...

بزه بویله تهدید آمیز برطوطله معامله ایتدی . بن تکرار اصرار ایتدم . قومیسر : « فضله اصرار ایدرسه کز بومبایه کیده مزسکیز . افغانستان کری یوللارم » دیدی .

بونک اوزرینه مایوس اوله رق بو فکردن واز کچدم . یوقسه بر جولان ایدم رک هندستان داخلنده بر آاز موعظه و تشویقاتده بولونم یی تصمیم ایتشدم . مع مافیه انسان بر آاز فداکارلق ایدرسه دولاشه بیلوردی . بن کندی قناعتم درجه سنده دوشوندم ، هندلانی بیلیمدیکم جهته چوق استفاده اولنه مزدی . برده یالکیزدم ، بر آدم دیار غریبده نه قدر تاثیر اجرا ایدم بیلور ؟ بونلری عریض و عمیق دوشوندکن صوکره پشاور ی ترک ایدم رک بومبایه کیتدم .

بومبایده دخی عینی احوال روحیه حکمفرما ایدی . اسلام ، محوس هب جهاددن بحث ایتکده ایدیلر . بوراده عثمانلی عسکرینک سویش قالدن کچدیکی پک موثوق اوله رق روایت اولئیوردی .

بومبایده حمازه کیده جک واپوره انتظار ایدم رک اوچ هفته قالدیم ، شو اوچ هفته ظرفنده طبیعتیله حرب جههلرندن هر کون برحوادث بولئیوردی . روسلرک انزامنی پک چوق یازیورلر سده اوجهته اوقدر اهمیت ویرمیورلر ، هر کس غزیه ستونلرنده سویش قالدنده انکلیزلرک انزاملرینی آرایوردی . ایکی کون سویشه ، مصره عائد تاغرافلر غزیه ستونلرنده کورولینجه هر کس خلیفه عسکرینک مصره کیردیکنه حکم ایتشدی . اهالی بوکا اوقدر قانعدی که دفعتله انکلیزار تکذیبه مجبور اولیورلردی .

هر کس عصیتدن عادتاً کیجه لری راحت اویویه میوردی . نه اولدی ، نه اوله جق ؟ دیه هر کس ، بیوک بر صبر سزاقله القاهره نك سقوطنه انتظار ایدیوردی . استماعیله ، پورت سعید عثمانلی انده اولدیغه کیمسه شبهه ایتیوردی .

شو صورتله هندستان داخلنده هیچ بر شی کورده میوب یالکیز پشاور ، بومبای احواله کسب اطلاع ایدم رک پک مختصر بر معلومات ایله هندستانی دخی ترک ایتدک . واپوره هندستان سواحلندن آچیلدی . واپورده حجاج پک آاز ، مجموعی قرق الی تورکستانی ایله بر قاج یوز هندلی واردی . هر کسی بیوک بر سکونت استیلا ایتدی . هیچ بر کونا حرکت یوق . بر دهشت و اندیشه ضمیرلرده حس اولئیوردی .

ایرته سی کون نره دن خبر آلتش بیلیم ، واپورده حوادث ظهور ایتدی : آلمان دوناماسنک بر پارچه سی هندستان صولرنده بولئیورمش . بزم واپوره تعرض ایتک احتمالی وارمش . بونک کی بر چوق حوادثلر ... دلیل اوله رق ده واپورک باش دیرکی آلتنده کی یشیل بایراغی کوسترینور لردی . یشیل بایراق واپورده تجار و امتعه عسکریه اولیوب یالکیز حاجی اولدیغه دلالت ایدرمش .

اوچ کون صوکره سالماً عدنه کلدک . چوق بیوک بمنونیت حسن ایتدک . عدنده واپوره صوکتین عرب سویله مش که : عراق جبهه سنده خلیفه عسکری غایت بیوک موفقیت قازاندیلر . تفصیلاتی بیان ایدم میورسده ، حجاج کندی آرالرنده انکلیزلرک اون بیک اسیر ، پک کلیتی تلفات ویردکلرینی شرح ایتدیلر . آرتق او حوادث بزه جده یه قدر کفایت ایتدی .

شو صورتله بزم سالماً جده یه کلدک ، بوراده احوال پک پریشان ، چوق مدتش ایدی . بیه جک ایجه جک یوق ، حرما طلاشی اوکوته رک اون یامشلرده ، اوندن ا کیمکه بکیز برشی اعمال ایتشلردی . اونکله دفع جوع ایدنلر پک چوق . دکز ساحلنده بر آاز اول آجلقدن اولمش لاشه لر کوزه چارییوردی . اوله جکلرده پک چوقدی . حرکت اقداری اولمایان انسانلر اسکلک حالتده بولئیورلردی . عجایب برحالت جده خلقی بوقدر ضرورت وسفالت ایچنده بولندینی حالده حاجیلردن کیمسه هیچ بر شی ایسته میوردی . هر کس « الله ینصر الاسلام والمسلمین » دیه یالکیز دعا ایدیورلردی . مع مافیه بزم واپوریمزده پک کلیتی ارزاق بولئیوردی . حاجیلرکده کندیلرینه مخصوص ارزاقلری چوقدی . هر کسک موجودندن جده فقراسنه انعام واحسان ایتدیکی کورولیوردی . جده خلقی بیوک بر بمنونیتله حاجیلره کوزل معامله لر ایدیورلردی .

عبدالرشید

اسلامیت وانجیل میسیونرلری

دین اسلامک ، نسبة شایان حیرت اولان انتشار و ترقیسیله بر عصر ظرفنده دنیانک اوچ قطعه قدیمه سینه یاییله رق دها بوانشاده آلتی یدی عصرلق یاشلانش اولان خرسیتیانقله تماسده بولوندینی